



合

生前後清語

附戒殺放生文



娑羅館清言自序



夫掩室摩竭杜口毘耶不二法
門從無言入柰何呶呶鸞公訓
勅諄諄以饒舌見戒余終不能
改如蕭寥松篁風來則響間關
林鳥春至則鳴誰得而禁之余

于詩文外纂一書譚天人之際
命曰鴻苞積二十卷吳郡管登
之遺書規我必無遂播通都姑
度之篋笥古至人著書多自道
成名根盡後子期未至何急而
擊鼓以求亡羊為余受其誠秘

馬園居無事技癢不能抑則以
蒲團銷之跣趺出定意興偶到
輒命墨卿曇花彩毫紛然並作
游戲之語復有清言今而始伏
習氣難除清障難斷鸞公真神
人蚤見及此矣雖然余之為清

言能使愁人立喜熱夫就涼若
披惠風若飲甘露即令鸞公見
之亦或為解頤昔鳩摩示遺命
茶毗而留舌不毀以為驗余舌
端隱隱現青蓮花一片矣
萬曆甲辰冬日四明屠隆撰

娑羅園清語

東海屠隆緯真甫著

道弟虞淳熙長孺甫閱

子房虎嘯安期生豹隱於海濱藥師龍驤
魏先生夔屈於崑穴繫豈異才寔命不同
飢乃加餐菜食美於珍味倦然後卧艸薦

勝似重裯

三九大老紫綬貂冠得意哉黃梁公案二
八佳人翠眉蟬髮銷魂也白骨生涯

口中不設雌黃眉端不挂煩惱可稱煙火
神僊隨宜而栽花竹適性以養禽魚此是
山林經濟

風晨月夕客去後蒲團可以雙跏煙島雲
林興來時竹杖何妨獨往

覆雨翻雲何險也論人情只合杜門嘲風
弄月忽頽然全天真且須對酒

道上紅塵江中白浪饒他南面百城花間
明月松下涼風輸我北窗一枕

淨几明窗好香茗茗有時與高衲譚禪豈
棚菜圃暖日和風無事聽閒人說鬼

流水相忘游魚游魚相忘流水卽此便是
天機太空不礙浮雲浮雲不礙太空何處

別有佛性

老去自覺萬緣都盡那管人是人非春來尚有一事關心只在花開花謝

甜苦備嘗好丟手。垂味渾如嚼蠟。生歿事大急回頭年光疾於跳丸。

無物能牢。何況蠢茲皮袋。有形皆壞。不聞爛卻虛空。

皮囊速壞。神識常存。殺萬命以養皮囊。罪

卒歸於神識。佛性無邊。經書有限。窮萬卷以求佛性。得不屬於經書。

入市而歎。過路客紛紛。懔懔總是行尸。反觀而照。主人翁。霧霧瑩瑩。無非活佛。

仕宦而登甲第。方免官府。老徭學道未出。陰陽終受閻君約束。

暗室貞邪誰見。忽而萬口喧傳。自心善惡。炯然凜于四王考校。

急且殺殺

急且殺殺

逐物有君返世先

結首

坐禪而不明心。取骨頭爲工課。馬祖或于磨。馱譚經而不見性。鑽故帙作生涯。達磨所以面壁。艸色花香。游人賞其有趣。桃開梅謝。達士悟其無常。修淨土者。自淨其心。方寸居然。蓮界學坐。禪者達禪之理。大地盡作蒲團。香花幢蓋。顯本性之彌陀。羅刹夜叉。現心。

中之魔鬼

性源既湛。則銅頭鐵面。化爲諸佛心。垢未除。則玉毫金相。亦是羣魔。

至人除心不除境。境在而心常寂然。凡人除境不除心。境去而心猶縈絆。

萬緣皆假。一性惟真。聖人借假以脩真。愚夫喪真而逐假。

立心而認骨肉太親。則人緣難遣。學道而

求形神俱住則我相未融。錫粘油膩牽纏最是愛河。瞎引盲趨展轉投于苦海非大雄氏誰能拯之。眉睫纔交夢裏便不能張主。眼光落地死。去又安得分明故學道之法無多。只在一心不亂。

入道場而隨喜則脩行之念勃興。登丘墓而徘徊則名利之心頓盡。故諸念不清宜

以佛理而淘洗六根未淨可取戒香而薰蒸。

天堂人樂樂盡則苦趣至。故其成佛也難。閻浮人苦苦極則嗚心生。故其入道也易。知事理原有頓漸則南北之宗門不廢。知升墜分于情想則過現之因果昭然。形同木石未免委運而銷亾。神同虛空故不隨形而隕滅。形有銷亾故愚蒙止知現。

在神無隕滅故聖智照見多生

若無後來報應則造物何以謝顏回除却

永劫災殃則上帝胡獨私曹操

六道輪轉如江帆日夜乘潮乘潮未有棲

泊一證菩提若海舶須臾及岸及岸豈復

漂流

黃蘗澹飯允宜山澤之臞曲几匡床久絕

華清之夢

禿鬚黃面搯骨法豈有如許公侯道氣文

心標風流亦自可兒措大

招客留賓為歡可喜未斷塵世之攀緣澆

花種樹嗜好雖清亦是道人之魔障

角弓玉劍桃花馬上春衫猶憶少年俠氣

瘦瓢膽瓶貝葉齋中夜衲獨存老去禪心

富室多藏萬寶夜深猶自持籌愈積愈悵

窖中時現精光老夫第得一錢宵臥何能

清齋澹泊厚
屬火高致

帖席不散不休。篋裏如聞嚙吼。
寶籙祈僊。金函禮佛。造物尚不得牢籠。褐
衣披體。破帽蒙頭。君相又安能陶鑄。
臨池獨照。喜看魚子跳波。遶徑閒行。忽見
蘭芽出土。亦小有致。時復欣然。
盤餐一菜。永絕腥膻。飯僧宴客。何煩六甲。
行厨茆屋。三楹僅蔽風雨。掃地焚香。安用
數童縛帚。未見元放。翛然尚覺。右丞多事。

戴髮含齒。生幸托于中華。方袍圓冠。名復
綴于下士。田園雖少。負郭妻孥。尚免飢寒。
榮期之樂。已多老氏之學。知足。
菜甲初肥。美于熟酪。蓴絲既長。潤比羊酥。
名花芳艸。春園風日。洵韶紅樹。清霜秋林。
景色亦勝。
楊柳岸蘆葦汀。池邊須有埜鳥。方稱山居。
香積飯水田衣。齋頭纔着比丘。便成幽趣。

竹風一陣飄。颺茶竈疎煙。梅月半彎。掩映
書窗殘雪。真使人心骨俱冷。體氣欲仙。
登華子岡。月夜犬聲若豹。遊赤壁磯。秋江
雀影如人。但想前賢。神明開滌。
條風既鬯。細艸茸生。穉景韶姿。紅藥齊含。
蕩藿芳春。景大殢人。清露晨流。新桐初引。
嫩涼爽氣。綠陰暎入。簾幃首夏。時猶堪賞。
山河天眼裏。不知山河。卽是天眼。卽是法

身中不知。卽是法身。

人常想病時。則塵心漸滅。人常想死時。則
道念自生。

風流得意之事。一過輒生悲涼。清真宋莫
之境。愈久轉有意味。

葷血盡斷。幸免何胤之饑。蔬笋是耳。敢曰
中丞之福。漸覺滓穢日去。庶幾清虛日來。
如來爲凡夫說空。以凡夫著有。故爲二乘。

善有善無俱不
是道

人說有以二乘人沉空故著有則入輪轉
之途沉空則礙普度之路是故大聖人銷
有以入空一法不立從空以出有萬法森
然
善星腹笥部藏不免泥犁雲光口墜天花
難逃閻老所以初祖來自迦毘盡掃文字
室利往叅摩詰悉杜語言
折膠爍石雖纍變於歲時熱惱清涼原只

在于心境所以佛國都無寒暑仙都長似
三春

萬緣虛幻總屬心生六道輪迴皆由自作
目瞽扶則空花陡滅心障轍則妄業頓銷
今日騎獅坐象衆生之境界過來饒他帶
角披毛佛祖之真性自在譬如小水滙為
巨流入流原是小水真金鍛于猛火出火
還是真金

不可自棄
早種善根

釋迦曾作衆生身經乎多劫其他諸佛菩薩誰不來自衆生闡提亦有佛性語載于聖經其他蠢動含靈誰不具有佛性若佛祖天然佛祖脩行之法何爲若衆生只是衆生向善之路遂絕心前地根安業既絕今生根鈍是前世之行未脩今行苦脩則來世之根當利勿以無緣而自棄力辦肯心而不回今生是爲善因來世則爲勝果

列聖皆累劫脩成大道豈一世便了。

古德云塵勞中常應著力生處上不須用心塵勞若不著力安得行圓生處若苦留心恐爲心障

非災橫禍世人常歎無因分付安排皇天必自有說或現在隱微未察恐過去宿行有虧彼定不老我當順受

若富貴貧窮由我力取則造物爲無權若

毀譽曠喜隨人脚根則讒夫愈得志
垂法須從身試大道不在口譚暇日清言
有味恐于實際無當猝然遇境不撓此是
學問得力

袁盎報十垂之仇不知雖經萬劫而必報
師子償殺命之債不知雖逋小債而必償
萌芽各認根苗點滴不茭簷溜罪在則福
不集福少則行難圓此聖賢之所以慎作

業也

紅潤凝脂花上纔過微雨翠勻淺黛柳邊
乍拂輕風問婦索釀甕有新筍呼童煮茶
臨門好客先生此時情與何如也

癡矣狂客酷好賓朋賢哉細君無違夫子
醉人盈座簪裾半盡酒家食客滿堂瓶甕
不離米肆燈燭瑩瑩且耽夜酌爨煙宋宋
安問晨炊生來不解攢眉老去彌堪鼓腹

若○想○錢○而○錢○來○何○故○不○想○若○愁○米○而○米○至○
人○固○當○愁○晚○起○依○舊○貧○窮○夜○來○徒○多○煩○惱○
白○仲○奇○窮○悍○婦○同○于○馮○衍○德○園○高○隱○孤○居○
頗○似○王○維○我○固○當○勝○之○

明○霞○可○愛○瞬○眼○而○輒○空○流○水○堪○聽○過○耳○而○
不○戀○人○能○以○明○霞○視○美○色○則○業○障○自○輕○人○
能○以○流○水○聽○絃○歌○則○性○靈○何○害○

詩○堪○適○性○笑○子○美○之○苦○吟○酒○可○怡○情○嫌○淵○

明○之○酷○嗜○若○詩○而○嫉○妬○爭○名○豈○云○適○性○若○
酒○而○猖○狂○罵○座○安○取○怡○情○

鑠○金○玷○玉○從○來○不○乏○彼○讒○人○洗○垢○索○瘢○猶○
好○求○多○于○佳○士○止○作○秋○風○過○耳○何○妨○微○雲○
點○空○

學○道○歷○千○魔○而○莫○退○遇○辱○堅○百○忍○以○自○持○
到○底○無○損○毫○毛○轉○使○人○稱○盛○德○當○時○之○神○
氣○不○亂○入○夜○之○寃○夢○亦○清○

藿食艸衣淒涼窮巷安吾拙亦安吾愚銀
黃金紫馳騁康衢是其亦亦是其命
金吾厚言千鍾命慳于豈醬學士御食二
器數定于橘湯余幼丁貧賤每藜藿之飯
不充壯忽持齋想肉食之簿已盡

大臣雅度嫌王勃之恃才明主知人相李
白之薄福

盈庭滿座斷結駟于貴人累牘連篇絕八

行于政府

口奉清齋過客時供梁肉身衣裋褐兒童
或曳羅衫固知供奉之綺裘不富于公孫
之布被

情塵既盡心鏡遂明外影何如內照幻泡
一消性珠自朗奩寶原是家珍

冤家恩愛心常作平等之觀上帝悲田眼
不見可憎之物性鮮貪瞋六時畏作惡業

婆羅園清語
三
趣能領畧四季都是良辰昔人不云乎此
終當以樂歟

善謔浪好恢諧吐語傷于過綺取快佐驪
亦無大害揚隱微譚中毒爲德無乃太涼
積愆消福吾鄙戒之

人生于五行卒次于五行恩裏由來生害
道壞于六賊亦成于六賊妙處只在轉關
雲棲蓮老佛隴燈公嶺表憨山湖南窮介

有西方美人之思碧浪朱生西冷虞氏湘
霧逸客鏡水隱鱗作天際真人之想

青谿白石倏生瀟洒之懷黑霧黃埃便起
炎囂之念此是心依境轉恐于學道無當
必也月隨雲走月竟不移岸逐舟行岸終
自若則幾矣

苦惱壘上悲衆生意氣須溫嗜欲場中對
諸緣肝腸欲冷

士大夫禪機迅利何鋒不摧身行淹汚無
業不作揚言度世閻王之勾帖忽來開口
欲譚艷都之鐵鞭已下

聰明而脩潔上帝固錄清虛文采而貪殘
冥官不愛詞賦

理超教外胡僧所以如愚道越言詮獍獠
何嘗識字並智紛紛名利場中伶仃識神
擾擾生歿路上糊塗亦可憐矣

凡夫迷真而逐妄智慧化爲識神譬之水
湧爲波不離此水聖人悟妄而歸真識神
轉爲智慧譬之波平爲水當體無波

死人捷扶不痛受痛原非形壳僵尸爬搔
不癢覺癢自是性靈人奈何輕性靈而重
形壳乎

形骸非親何況形骸外之長物大地亦幻
何況大地內之微塵

棺則朽于木，裸則朽于土。土木何勞，分別
沉則化爲水，焚則化爲火。火水安用商量，
人能知足，則隨地可以自安。若復無厭，則
求望曷其有極。富堪敵國，嘆一命之不沾。
貴極人臣，恨九錫之不至。爲子之造物者，
不亦難乎。

樓前桐葉散爲一院清陰，枕上鳥聲喚起
半窗紅日。

一泓濠上，僂同莊叟之觀。石林間，堪下
米顛之拜。

天上兩輪，逐電晝夜不休。人間二鼠，啣藤
剝那欲斷。

有待而脩，終日且圖安樂。無常到也，問君
何以支吾。

來今往古，逝者如斯。貴賤賢愚，誰能免此。
三尺紅羅，過客來弔。過客一堆黃土，故人

而哭歎人興言及此哀哉立刻脩行晚矣
立雪斷臂祇緣執壓當行擘面攔胸直是
酒逢知己

針水不投亦徒猜乎啞謎機鋒未對莫浪
用乎盲拳

參悟久則心花頓開若蓮萼之舒瓣機緣
來則性地忽朗如日月之放光

噉飯著衣生垂無補飾巾待壙額影多慙

庶幾哉白魚蠹簡食奇字于腹中黃鳥度
枝遺好音于垂上

醒時思作佳夢夢去未必如所思生前念
佛脩行歿後猶恐忘初念何也衆生奔馳
情識一徃易昏學人積累熏脩務求根熟
比丘臭臭荷香來池神見斥童子乃以香
嚴而圓通元卿目玩官卉爲天神所呵古
德有因桃花而悟道

聊復爾托名于泛曦
樓窺睥睨窗中隱隱江帆
家在半邨半郭
山倚靖廬松下時時清梵
人稱非俗非僧
華屋朱門過王侯而掉臂
黃頭歷齒對兒
子而傷心
高人之輕富貴也
易斷恩愛也
難
侶猿猴友虎豹不能孫登之穴居
馴鳥雀
畜禽魚頗似何點之埜逸

高人品格既有媿井丹潔身名士風流亦
不至相如慢壺

天討有罪生來幸免馮驢
棄不才隱去
敢云鴻豹

有分有限
耗星臨宮
顧我論萬事總不如
人無慮無憂
天喜坐命羸人只一籌至要
在我

持論絕無鬼神見怪形而驚怖
平居力詆

仙佛遇疾病而脩齋。儒者可笑如此。稱炭
數米時。翻名理于廣筵。媚竈乞墦。日挂山
林。于齒頰。高人其可信乎。
太原則哲。幾畜疑于掇煤。瑯琊故知。竟因
讒而投杼。嗚呼。知己難哉。吾欲挽九原而
起鮑。未取千金以鑄子期。
爲龍爲虵。生旣謝陽秋。于太史呼牛呼馬。
一任彼月旦。于時人。

以文章爲游戲。將希劉勰。逃禪看齒髮之
衰頹。自信鮑昭才盡。

垂人傷我皮毛。諷諷難辨。陽過天日下照。
肝膽冥冥。庶免陰愆。

三寸枯毫。砍燒未忍。千金敝帚。自饗知慙。
論媿仲任。敢望歲帳。于中郎文謝班生。終
取覆瓿。于傳毅。

陳思逸藻。僅未邸于遮。須庾信高才。乃幡

形于地府身後結局如此眼前文興索然
據床嗒爾聽豪士之譚鋒把盞醒然看酒
人之醉態
荆扉纔杜俊逢客過掃門飯籬一空輒有
人求譽墓萬事從來是命一毫夫豈由人
家坐無聊不念食力擔夫紅塵赤日汝官
不達尚有高才秀士白首青衫
峰巒窈窕一拳俊是名山花竹扶疎半畝

何如金谷

觀號千秋吾媿賀老之捨宅樓高三級復
慙都水之棲真物在亦不苦留期到倏然
俊去周犇營產原從車子而償逋韓相卜
居乃爲木工而定礫凡事前定如斯世人
計較可息

少文五岳興聊託于臥游元亮一園趣果
成于日涉

月出青松光映瑠璃夜火風搖翠篠寒生
窳堵秋煙

虛空不拒諸相至人豈畏萬緣是非場裏
出入逍遙逆順境中縱橫自在竹密何妨
水過山高不礙雲飛

孔孟以經常治世不欲炫奇怪以駭時釋
老以妙道度人故每現神通以聳衆
凡情自縛則搏沙捻土一身纏爲葛藤空

觀一成則割水吹毛四大等于枯木

薰蒸德香則果未成而靈根漸長熬煎欲
火則目未瞑而惡趣現前

喫菜而生美好揀擇則喫菜不異喫葷作
善而求自高勝人則作善還同作惡

人若知道則隨境皆安人不知道則觸塗
成滯人不知道則居鬧市生囂雜之心居
深山起岑宗之想或轉憶炎囂人若知道

則履喧而霧臺宋若何有遷流境宋而真
性克融不生枯槁
英雄降服勁敵未必能降一心大將調御
諸軍未必能調六氣故姬亾楚帳霸王未
免情哀疽發彭城老翁終以憤歎
霧運才高不入白蓮之社裴休詩好何關
黃蘗之宗故子昂杜甫韻語騁意氣于秣
林寒泉山子吟哦寫性靈于天籟寫性靈

者佛祖來印騁意氣者道人所呵

來鳴禽于嘉樹音聞兩宋悟圓通耳根印

朗月于澄波色相俱空領清虛眼界

時來則建勛業于天壤玉食衮衣是亦文

夫之事失時則守窮約于山林藜藿卉服

是亦豪傑之常故子房封侯不以貴富而

驕商皓嚴陵垂釣不以貧賤而羨雲臺

雨過天清會妙用之無礙鳥來雲去得自

性之真如

宰相匡時懶殘豫占李泌英雄救火圖南
蚤相乖崖故龍翔豹隱大冶之鼓鑄由天
雖伏雄飛至人之欄柄在我

室無長物心本宅乎清虛門多雜賓性不
近乎狷介行誼雖無大損淨業未免有妨
鼎應將迎世人奔其羶行消磨折損造物
畏其虛名

梅檀之形能出門而迎佛虎丘之石解聽
法而點頭故知山河大地咸見真如瓦礫
泥沙竝存佛性

衣服豈有鬼乃本人神識之所成鬼病猶
生前亦此鬼意根中之所帶

病風狂而譫語多是平日之愆夢受撻而
身疼可悟地獄之報

時近惡緣如皂染衣而衣皂日習淨行若

香薰木而木香。

度盡衆生乃如來之本願。衆生難盡則凡夫之業因慈父不以頑子之難教而廢教。子之念如來不以衆生之難度而懈度生之心。

世人日與螻蟻相接。螻蟻無知。如來日與衆生周旋。衆生不見障重故也。

耳耽淫聲。曷聞金口之響。目昏邪色。安見

玉毫之光。遺民清淨。則大士擁幢幡而現形。聞喜霧瑩。則文殊坐獅子而顯相。

童子之目稍淨。或見鬼神。道士之心漸清。能召霧爽。衆生以不見佛而遂謂無佛。則螻蟻以不見人而遂謂無人耶。

世界極于大千。不知大千之外。更有何物。天宮極于非想。不知非想之上。畢竟何窮。吾嘗于此茫然。安得問之大覺。

人當涵擾則心中之境界何堪稍爾清寧
則眼前之氣象自別
對治停心則清淨之體小露止觀成熟則
真如之理森然
昏散者凡夫之病根惺惺者對症之良藥
宋而常惺宋宋之境不昧惺而常宋惺惺
之念不馳

衰年嶺表餘生相傳僊去隣媪夜哭還券

垂老無家每想斯人潸然欲涕

雲長香火千載遍于華夷坡老姓名至今
口于婦孺意氣精神不可磨滅如此

大臣赫赫甫丘墓僂已就荒文士沾沾問
姓名多云不識名利至此使人心灰

夫人有絕技必傳有至性不朽靈心巧思
魯般以木匠千秋報主存孤李善以傭奴
百世

成仙作佛必是善人大孝至忠自然度世
張仲文昌未始從師授道關君天帥不聞
得訣何人故求道勿急尋師積功且須脩
德
皦皦時名心源不淨昭昭譚道密行多虧
何益昇超祇深淪墮
慧遠臨終檢戒于食蜜薩真濟渡留錢于
空舟古德慎行至此使人心志凜然

纔忙今日轉盼已是明朝一到今朝昨日
已成陳迹算閻浮之壽誰登百年生剗刻
之中勿營千歲

三徑竹間日華澹澹固野客之良辰一編
窗下風雨瀟瀟亦幽人之好景

核人貴實浮論難憑從古聖賢不能無謗
試問釋迦于移山之口佛云乎哉叩宣尼
于伐木之夫何聖之有

春衣杜陵急管平樂真稱名士之風流雨
中山果燈下艸蟲想見高人之胸次
道人好看花竹寄託聊以適情居士偶聽
弦歌不染何妨入道清曠亦自有致宋莫
無令太枯
太乙窺人閣下熒藜之火雲林寄信架藏
倒薤之書

好散阿堵亦復不能積書趣在箇中平生

只愛種樹

心歎日橫將歿冤家出現觀智既熟臨終
諸佛來迎

積想情堅思女因而化石磨礱功久鐵杵
且會成鍼令人纔學脩行便希得證稍不
見効輒退初心道其可幾乎

觀上虞論衡笑中郎未精玄賞讀臨川
說知晉人果善清言

婆羅園清語
木削方可造廬玉琢纔能成器高明性多
疎脫須學精嚴狷介常苦拘持當思圓轉
居處必先精勤乃能閒暇凡事務求停妥
然後逍遙平時只自悠然遇境未免撓亂
迹類卑窪有損身以利物形同邈邈或混
俗以埋光世人皮相失真天眼鑒觀不謬
不是鄴侯著眼懶殘只一丐者若非豐干
饒舌寒拾兩箇火頭

王重陽闌入臥內馬銚內子能知戒閣黎
金甲傳食太守夫人覷破

凡夫有已只隔一膜間關大聖度生不辭
三塗毒苦法性原周沙界含靈總是自身
籬邊杖屨送僧花鬚胷于巾角石上壺觴
坐客松子落我衣裾

待月看雲偶見雀形之使焚香掃室時迎
鳥爪之姑

美人傅粉塗香終淪于糞土。猛士格虎刺
象。歿制于螻蟻。古鏃繡刀。舊日戰爭之地。
蝕釵灰襖。昔時歌舞之場。英雄漠漠。精靈
秦晉。茫茫歲月。

鳴騶阿殿歌兒。挈傀儡于場中。揭地欣天。
童子弄形影于燈下。

張三不是他。李四亦不是他。總認郵亭爲
本宅。長卿不是我。緯真亦不是我。莫把并

州當故鄉

娑羅居士釀酒治蔬。無日不延賓客。杜門
禁足。經年懶過隣家。白香山云。丘墅有泉。
石花竹者。靡不遊人家。有美酒鳴琴者。靡
不過吾。甚愧其言。

風翻貝葉。絕勝北闕除書。水滴蓮花。何似
華清宮漏。

一室經行。賢于九衢奔走。六時禮佛。清于

五夜朝天。鳴琴流水。疑魴鱖之來聽。散帙當軒。喜藤竹之交翳。暝目踟蹰。落花飄而滿几。冥心入定。鼯鼠出而行階。娟娟月露。下簷蔔而生香。娟娟山風。入松篁而成韻。掃有掃無。卽掃字而亦掃。忘形忘物。并忘

字而亦忘。斯能所之雙泯。會靈心于絕待。三春杲日。催開上苑千花。一夜西風。顛落羅浮萬樹。

童子智小愈小。而愈完。成人智大愈大。而愈散。絕代聰明。盡是鬼家生活。拍天簸弄。無非石上精龜。

目覽千言。只趨生歿之路口。持半偈。徑入涅槃之門道。在圓修。非關利鈍。

楊德祖家惟弱柳我則雜種名花殷仲文
庭只枯槐余乃多栽茂樹不啻過矣
春去秋來徐察陰陽之變水窮雲起默觀
元化之流
醇醪百斛不如一味太和之湯良藥千包
不如一服清涼之散
閑情清曠未解習鍛之機野性蕭疎耻作
狡梭之達

縱心獨往內頗解平天
殘守禮自防外敢
踰乎並法

負苓而罵庖羲鑿開渾沌采薇而薄周武
決裂提防
席門圭竇形闕一室之中氣馬尻輪神遊
八極之外

李青蓮仙才夙稟白香山道骨天成
承明禪師云向不遷境上虛受輪迴于無

脫法中自生繫縛此云衆生本原是佛因
迷自作衆生尋求向外空馳得來故是已
物

從身上求佛則無常幻泡之身如何作佛
從心上求佛則今日緣慮不實之心亦非
汝心逐經論而生解則經論卽是障蔽了
文字而悟心則文字便是般若
人生命也命者報也報從業也如龍王下

雨于諸天同是諸天而雨實異天人日饗
乎美味同是天人而享味殊彼此自有定
數美好各隨福業世人豈逃定數定數總
逐業因儒者但舉命數不拈業報則何解
矣

娑羅園清語續

東海屠隆緯真甫著

道第虞淳熙長孺甫閱

豪傑不可以不聞道聞道則經濟風猷盡
是霽明實際不聞道則福因善念尚屬情
識紛飛

知得透行得勇
守得純方起彼
岸

境喧心寂則應垂聖詰身當萬變而安然
境寂心喧則枯坐道人試與一錢而輒亂
修行而不明理如瞽者冥行恐墮落乎坑
塹明理而不修行如途徑爛熟日高坐于
家鄉既明理又修行入道也如箭既不明
理又不修行墮落也亦如箭
失意之時窮則反本故道心易生得意之
時泰則成驕故靈根易喪

士大夫失意卑者歎老嗟貧多窪下而喪
其志氣高者憤激跌宕狂誕而銷其壯
心品分清濁失則均焉惟有道者不爾矯
矯抗煙霞之韵何至卑窪兢兢脊衾影之
私焉敢傲誕

迹染而心不染吾取白香山蘇端明心迹
俱不染吾取王右丞然作畫人樣子當為
右丞無為蘇白

修福而不修慧則雖功德崇高未免人天
小果之號修慧而不修福則雖證入聖位
尚有薄福羅漢之稱屏塵緣習禪定詮教
叅乘修慧之道也行檀波施利濟積功象
仁修福之道也惟如來兼之故云兩足尊
也

處貧賤者。在緣希少。可繇禪乘以修慧而
苦無資力。福田難種。然隨願力而行檀則

功德不小。故貧女破氈勝于王公之金玉。
處富貴者。權勢在手。可乘機會以修福而
塵緣汨擾。慧業難成。然履喧囂而能寂則
鏡智日開。故英雄入道疾于深山之枯禪。
事實而理空。道與道忘。用廣而體寂。聖不
自聖。若云我有道。我有道。便不是道。若云
我聖人。我聖人。便非聖人。
天地生成萬物。未始責報于萬物。如來普

度衆生未始德色于衆生。世人小施功德，輒望其人之感恩。稍不知恩，卽憤然見之于詞色，陋矣。至人之訓，不肖曰：道人不忘屠君，願屠君之忘屠君也。可謂頂門之鍼。古語云：從善如登，從惡如崩。言從善難，從惡易也。日求積善，忽不覺而流于不善；日思寡過，忽不覺而入于有過。何況全不檢點，冥行徑趨者乎？今人惡名盈世，而猶曰：

我是好人，罪或滔天，而尚云我無大罪。迷人之倍可憐者也。

今人論人，則苛察而搜其有過；自評則掩護而匿其瑕疵。損德損福，莫甚于此。

今人聞贊善，則云恐未必然；聞揚惡，則云如是如是。損德損福，莫甚于此。

剛直疑于強悻，強悻亦疑于剛直；寬大疑于柔緩，柔緩亦疑于寬大。勤事疑于騷擾。

騷擾亦疑于勤事清高疑于溪刻溪刻亦
疑于清高恭敬疑于諧媚諧媚亦疑于恭
敬超邁疑于狂誕狂誕亦疑于超邁毀譽
人者不必過爲撝拾只在唇吻轉移間耳
故司水鏡者不可不察也
聖人日坐七寶蓮臺而心安體泰心不着
故悟達一受沉香寶座而福損災來心未
能不着故

衣冠玉帛之盛爛然滿堂而螻蟻如不見
也惟遇殘粒則紛如歌唱笙簫之聲譁然
鼎沸而雞犬如不聞也惟投片鱗則起攫
垂人之不信神明聖賢也殆類是矣
不詮三教之理勿評三教不讀二氏之書
勿攻二氏子不入都焉知有都城之盛子
不夜行焉知有夜行之人
聖賢度世之輩遍滿虛空蜜于數罟而迷

人不見方且肆其誇讟天地司察之神照
臨下界明于觀火而昧者不知方且譚爲
渺茫障重故也悲夫

丐者李珣無心度世而善行暗與道合則
天籍登名貴人張離儀奉大法而行事却
與道違則現世受罪人亦爲善而已
作善惡者心非關四大受苦樂者亦心非
關形骸心欲行持則手足從令心欲睹聽

則耳目隨官故知作善惡非四大也心也
施文采于枯骨枯骨不知加夏楚于灰人
灰人不痛故知受苦樂非形骸也心也心
爲形所累造諸惡于一世形謝而神不滅
受業報于千生亦可憐矣
行不義殺不辜而尺寸自樹或博青史之
榮名無常來報應至而毫髮難逃誰念黃
泉之苦趣

達則妄悟則真
淨而不升其而
理之自能不言巧祥

范縝神滅一論悞盡天下之蒼生既瞻無
鬼一言造盡世間之惡業宜縝久墮于泥
犁瞻卒為鬼所殺也
形猶水土有時而銷沉神猶虛空安得而
壞爛神之住世緣迷悟而有妄真神之歸
空因染淨而有升墮聖凡苦樂判矣
雲中鳥水中魚寫天機于無盡鏡中花波
中月顯幻相于無常

鏡體宗而常照故非滯宗而有用鏡光照
而常宗故雖累照而不疲
日想塵勞想熟則塵勞入內日觀諸佛觀
成則諸佛現前
觀望夫化石思女離魂則知羽化之道觀
瓜熟蒂落水到渠成則悟涅槃之理
雲霾障天風雷撼地虛空之湛宗自如沉
淪萬業漂轉三途佛性之真常不動故迦

文會歷旁生闡提卒以成佛不然披毛戴
角如來何以屢經纓絡天冠闡提永垂無
望矣

問何名心性答性以本體言遍聖凡而共
具心以作用言隨染淨而同名性如鏡之
體一物圓成心如鏡之照萬形悉現
下愚人忘乎山水上智人亦忘乎山水下
愚人日在煙霞形勝之中而了不相關惟

趨向不向

知營求乎衣食上智人日在煙霞形勝之
中而心不耽着惟見妙體之真如

歡樂之人見花月而愉快愁苦之人見花
月而淒涼此境爲心轉也聞絲竹歌唱則
生樂意聞啼嗑哭泣則起悲心此心爲境
轉也惟心悟真常則境不能轉心心不爲
境轉

學道須迴光返照不返照則如黃墟長夜

萬怪紛如一返照則如紅日升天千妖盡滅猶醉行墓道者當其醉時只管踉蹌而前及其醉醒立刻矍然而返照與不照之謂也然照必從宋生焉宋能生照宇定則天光發照亦能生宋見破則心境寧心之大定從宋而培從喧而試不培之于宋則不敢試喧不試之于喧則不知真宋如來以折攝二門普度衆生。豐都地獄之

標從自如

〇〇

說折門也極樂世界之說攝門也如天之生物生殺並用父之教子嚴慈兩行經云應觀法界性一切惟心造古德云心作天堂心作地獄試返觀吾心地如何則他日之果報了然矣觀吾心善則當思竿頭進步觀吾心不善可不恐懼亟反精進如虫之咒子何道不進求悟如猫之捕鼠何悟不成然存心不可不專用心不

急于猛省

可太急不專則有他岐之雜太急則有欲
速之咎。速之咎。速之咎。速之咎。速之咎。
僊道長生。生則長矣。止對短命。雖經萬億
終有彫謝之時。佛道無生。生且無矣。何論
短長。世界遷流。總在輪迴之外。楞嚴十種
僊人。以長生爲極。則而不求佛。乘故如來
阿之。又有十種以上。僊人知長生非究竟。而
精進寶所。如來安得而不印。

可之

學佛者當其未悟。則須愛護色身。及其已
悟。方可幻泡四大。譬如浮海。全仗乘舟。到
岸。方可捨筏。故鸞公始而求僊。方于都水
繼而付丹經于一火。

問六祖云。不思善。不思惡。是明上座。本來
面目。惡不思矣。如何善。亦不思。答。泥沙金
屑。同于障目。善念惡念。同于障心。善且不

思何況于惡則大善之極也善惡都莫思量得無入于無記答雖是宋然不思中有
霧然不昧不思善不思惡是即土到本來
屠牛而晚歸清泰遂捨三途身而徑生淨
土畏虎而念佛一聲雖經億萬劫而猶種
佛因故善不可不修也迦文已證如來而
猶受馬麥之報波提已成羅漢而尚遭牛
呵之殃故業不可作也

因果不昧惡豈
可為

凡夫之心不昏則散不散則昏永嘉拈惺
惺宋宋對病之藥也惺惺治昏即惺而宋
宋宋治散即宋而惺
林園之中修竹數竿名花幾種盤礴流連
能使人胸懷洒落香廬之內蒲團一片琉璃
一盞聊趺晏坐能使人心地清涼境亦
為心助也故高士隱居必于勝地道人修
道必選名山

人之少也體壯色華人之老也髮白面皺
時之春也花開草榮時之秋也草枯木落
其大者日月照臨世界而不能免于薄蝕
天地主宰萬物而不能逃于壞劫陰陽五
行之榮枯代謝此一定之數也維靈明之
心在凡不滅在聖不增履潔不淨處染不
垢萬物生而不生萬物滅而不滅天堂此
升地獄此墮披毛從此活佛由他古詩云

有物先天地無形本宋寥能為萬物主不
逐四時彫蓋指此心也

行人有欄柄底功課所以嚴初幾之關防
禪家沒意味底話頭所以掃衆生之情想
遍于沙界無量無邊者謂之性稟于人物
有靈有覺者謂之心

人物有性而有情故人類為能成佛異類
亦可證真木石無情而有性故栴檀為能

迂聖頑石亦解點頭

珠藏泥沙萬劫污穢一朝洗出明珠宛然
闡提被情塵污穢佛性汨沒一朝報盡佛
性宛然故生公設法云闡提成佛闡提猶
爾人奈何自棄

悟禪而成佛倘今生不悟後劫難期念佛
而求生淨土只一念精專現世必往遠公
妙悟禪那往生清泰永明直透宗旨托質

蓮臺慎勿高禪門卑淨土也

問淨土果有乎曰有世界有灰塵堀堞污
穢之場則有碧水丹山清涼之地問有淨
土何以不見曰人在下邑窮鄉則不見都
會文物之盛在城郭衢道則不見山村幽
曠之區人所不見豈謂盡無問求生淨土
謂之必生然有不得生者何也曰往長安
者一心徑往必到長安倘路分于他岐則

不專行阻于中道則不果已則不到無誣
長安

天道之大寒大熱皆衆生之愆怒所感大
地之沙礫坑坎悉人心之不平所召故仙
都四季常如夏曉清涼佛國九蓮純以金
沙布地

惡見于行事晝夜而六時有限惡起于志
慮片刻而萬念紛飛故云兵莫慘于志鏖

錫爲下

善事已行纔及物而善果斯就善念旣發
未獲行而善因不磨

朗日孤高片雲遮則暗靈心獨耀纖垢障
則昏耳雖聽声心不隨声而徃目雖睹色
心不逐色而馳

捨塵捨緣并捨字而亦捨忘人忘我并忘
字而亦忘夫是之謂希夷夫是之謂混沌

以空空天下之實則無實不空故金石可
入以實實天下之空則無空不實故虛空
可蹈以空空實則實非滯有以實實空則
空非頑虛佛事門中不捨一法空而實也
實際理地不受一塵實而空也

一心三觀有空假中空者真諦卽真而俗
假者俗諦卽俗而真空者真空空中含有
而非偏空假者妙有有中合空而非偏假

中道之義卽在其中矣此一心三觀如形
影不離如連環不斷

人之一心具無量法門若單提一心至簡
至捷刹那而可了若廣論諸法無量無邊
僧祇而難盡故經云理因頓悟乘悟并消
事非頓除因次第盡總之一心具乎諸法
了法卽是了心

道人獨坐林中時當春夏之交好鳥鳴條

嘉魚躍藻綠陰映入程几涼風吹我衣裾
心境泊如真覺聖賢去人不遠

富過駟馬貴極珥貂粉黛盈房笙歌列屋
當其色力強壯意氣昂藏非不愉快也一
旦委頓形神呻吟牀第身如斷梗命若懸
絲迴視往日繁華一場春夢逸蕩豪奢不
如蕭疎之韻遠膏腴穠艷不如淡泊之味
長

王侯富饒敵國逞豪俠于都城李白落鬼
無家縱風流于采石踪跡不殊品格遠矣
衾影多慙而袞衣大帶托之端方田廬廣
畜而破履敝冠名爲清苦矯節朝著而侵
牟漁獵作橫鄉閭盛氣同儕而罄折佞僂
取諧權貴世人或受其給鬼神必笑其劣
處世尚真幾事不可不各學道貴直秘藏
不可不韜

少是亦未產
抄自醒

人不堪其憂回也
不改其節

香味珍羞過三寸咽喉卽化臭穢綺縑文
錦被七尺軀壳是裹尸虫貴人炙手可熱
纔蓋棺而寒雨斜陽美色入掌成珍甫屬
續而荒烟萋艸從古如斯行客而送行客
誰能免者死人而哭死人

問子何苦哉四體可安勞形而數木樵八
珍可享枵腹而咬菜根答吾觀同儕弟兄
盡化異物矣吾猶勞形而數木樵後輩英

俊亦多厭世矣吾尚枵腹而咬菜根方以
爲幸安敢稱苦

水收寒潦○僂知春漲之端倪○木落陳根○蚤
透東皇之消息○

道因忌俗緣○離俗緣難了道○因聖解非凡
情○捨凡情別無聖解○

豪傑不難于驥首○難于回首○不難于進步○
難于退步○海蟾子身拋火宅○從平章甲第

修真雲房公手撒兵權。在殺人場中。了道。
張子房起家黃石。卒結局于赤松。李長源
托迹紫衣。蚤歲名于丹籍。嗚呼。盛矣。

戒殺放生文引

嗟嗟庖厨必遠。誠不忍其砧几之蜿蜒。
口腹是謀。乃竟聽其刀湯之慘毒。脇息
待烹之狀。淒然可憐。垂頭望救之情。愍
焉難吐。欺不能言之物。而取苦楚呻吟
之肉。羅列盤餐。昧不忍人之良。而爲舌
尖頃刻之娛。廣戕生命。不思今日汝啖
之物。未必非前日啖汝之冤。而今生殺

物之因。又轉結來生自殺之果。習惑妄
纏。恬不知怪。根株交繫。展也安窮。我緯
真屠先生。以慧業文人。乘如來悲願業
已久。斷血食之味。猶思普利有情之倫。
念迦文曾作衆生。因念衆生各有脫離
日。識闡提具有佛性。因識佛性初無斷
滅時。覩此戴角披毛之蠢動。儼若騎獅
坐象之前身。是以物物觸其慈仁。息息

存乎安養。本不貪不害之真心。著戒殺
放生之偉論。果報輪迴。毫芒不爽。既以
耳聞目擊之事。提醒聾盲。色身慧命。微
顯兼資。復以施財說法之緣。破除慳味。
可謂布陽春于錦繡之腸。轉造化于瀾
翻之舌。卽入部藏真經之內。何減慈悲
懺度之文。言言呈金寶相。字字吐玉毫
光者也。遜甫夙有善根。欣然梓布。夫半

偈丁寧等河沙功德。况以滿腔熱血。廣濟羣品。一點弘慈。徧推同志。菩提日長。善行早圓。又可勝道乎。若夫克殘成性。且圖當下貪饕。寃業日繁。不管他年怨對。彼必謗如來爲烏有。笑地獄爲荒唐。當知此輩無明。雖歷永劫難破。殺多生以肥一生。是可忍也。取爾命以償他命。竟安逃乎。歿生相續。豈有他故。泥犁不

空。正爲是人。佛且有三不能。吾安得人置喙哉。然吾終願以斯文大力。忽決其無始靈源。令得遮滅一滋一味以還。生前亦可惜福。卽或稍全一蟲一蟻以上。報盡還復生天也。

萬曆甲辰菊月

海虞佛弟子子桑孫森和南書

戒殺放生文

原夫空行水陸。悉具生機。蠢動含靈。咸有佛性。趨吉避凶。豈維燕鵲爲能爾。貪生惡死。卽如肖翹而亦然。蠅蚋投于窗紙。徬徨之狀可憐。蚊蝶胷于蛛絲。躑躅之情彌甚。蜂子就擒。有聲若訴。螻蟻逃死。疾走如飛。青蛙愛命。方臨刃而抱頭。黃鱔懷胎。當就烹而護腹。雀也啣環。活命之恩。知報龜兮。

現夢。畏死之念凜然。細猶如此。巨者可知。牛羊無識。向屠肆而歲刀。鶩鴨何知。每乞哀而下淚。觀編竹裂網者。皇天立爲錫福。則漁獵劊宰者。神理豈不降殃。不特此也。喪真逐妄。衆生之迷倒無窮。背覺合塵。人垂之輪迴不息。人道業深。則或墮于異類。異類報盡。則或還復爲人。庾信名士。歿後乃作老龜。梁武人王。生前乃爲蚯蚓。合德

化龜。頭上之玉釵隱隱。公垂自鱗。浴時之鱗甲粼粼。以故今生所殺之衆類。多有是我前垂之六親。改頭換面。吾旣不能識。渠啞口無言。渠又不能訴我。母投犬質中。捨目捷連焉能救脫。父墮驢胎裏。非戒闍黎誰爲指迷。未得六通宿命。是雖眷屬覲面而焉知。不解九天禽言。縱使刀刃臨頭。而莫救。言及至此。能不酸心。又不特此也。水

結爲冰。止緣一結。迷則佛是衆生。冰融爲水。只在一融。悟則衆生是佛。故披毛戴角。如今受苦衆生。纓絡天冠。盡是當來佛子。何以明之。蛤蜊壳中。宛爾具大士之像。羣魚口裏。朗然出佛號之聲。狐狸異類。聞不昧而脫幻軀。鸚鵡凡禽。歛茶毘而收舍利。試觀迦文生前。自謂曾經異類。則諗衆生。往後必然皆得成真。乃知殺物色身。卽是

斷佛慧命。嗚呼痛哉。殺衆生者。殺六親。骨肉之情太慘。殲異類者。殲諸佛。阿鼻之罪。安逃。夫針芒刺體。痛苦難勝。艾火灼身。呻吟無已。顧乃割衆生如艸菅。畧無慈愍。爛性命于鼎釜。惟恣饕餮。未論貧賤其人。猶恨富貴之者。僅一餐而害千生。爲三寸舌尖之美。止半席而戕萬命。肥六尺血肉之軀。飽飫烹宰。歷片餉已。是枵虛。薌美肥甘。

過咽喉。便成糞穢。食啖生靈。如今之種種珍羞。盡是皮囊受用。結成怨對。後日之冤。冤相報。還歸神識。承當殺他一刀。還他一刀。渾如空谷響應。啖他一齣。償他一齣。寧逃狹路相逢。冤債明白。一時未許。便償罪報。牽纏地獄。請君且坐。地獄報完。然後墮畜生。而償宿債。苟生苦盡。庶幾藉別福。而復人身。及得人倫之身。還受短命之報。何

以故爾。害他生者。必夭爾之生。往復之理。一定。戕彼命者。必短此之命。循環之數。難逃。至仁至愛。天道所以好生。大慈大悲。佛教所以戒殺也。或謂天生萬物。原為養人。不殺以餐。生何為者。茹毛飲血。顛蒙之民。已然。為庖作厨。神聖之君。尚爾。殊不知茹毛飲血。乃承多生之習氣。而又結冤讎。為庖作厨。亦順眾生之凡情。而聊為樽節。時

節因緣。覺皇之教。既出。因果報應。戒殺之
理。始明。若云。林總之衆生。盡供吾人之食。
啗。則蚊蟲嗜肉。天豈爲蚊蟲生肉。虎狼食
人。又豈爲虎狼生人哉。嗚呼。爲生人資養。
蔬菜之類。儘多。苦饒口難禁。五淨之味。可
斲。若云。食肉必須。則齋素之人不少。若云。
茹素難活。則比丘窳其盡。肉食則神明
穢濁。蔬食則腸胃清虛。天命膏粱。豈少肥

甘藜養千歲。和尚不過蔬果資生。有人憂
余蔬素。悲哉。先我淪亾。余雖久素。清羸尚
爾。神采無恙。此其驗也。余又聞人天十善。
有止作二義。既止其惡。還作其善。故既已
戒殺。還行放生。成湯開網。聖主所以興邦。
西巴放麋。明君因而托國。前代帝王。徃徃
行不忍之政。江湖陂澤。處處有放生之池。
寶勝如來。以慈愍而立教。流水長者。因放

魚而證真。一念憫彼衆生。則悲花日茂于丹府。慈心積爲功德。則智樹益長于靈臺。雲棲老人。行之武林。屢現佛光之異。完初道者。行之唐市。再覩靈芝之祥。長水一屠宰。緣好殺而歿。作犬聲。吳興一縉紳。因放生而生。免牛報。耳目睹記。較著章明者矣。余願道俗諸人。善信男女。信我良言。家家戒殺。隨人願力。在在放生。脫羣靈于網罟。

之中。俾之逍遙于天壤。活萬命于刀砧之下。令其快樂于寰區。鳶飛魚躍。適我心內。之天機。獸舞蟲吟。握我手中之造化。富貴者。輦玉車金。儘可臨危而贖命。貧賤者。解衣脫履。亦須隨分而行慈。士大夫烹雞臠蟹。結詩酒佳盟。爭似倡放生。社會鄉父老。割豕屠羊。曩歲時神愿。何如啟慈悲道場。全一禽。則一禽之恩。相逢必報。活一命。則

一命之福。永不唐捐。君不聞古之人。曾以活猴之故而舉體出深坑。因放龜之生而全家脫水厄也。花報如斯。果償更大。近獲人天。萬劫之冤結盡解。遠招佛果。千祇之功德蚤圓。試考前後如來。孰不繇茲得證者哉。余又聞放生止活其色身。說法乃資其慧命。以故奉勸諸公。既取生靈放生。保全其形壳。須復請法師說法。開示其迷情。

使之優游而終天年。已免天橫。開解而聞佛法。遂脫沉淪。則慈雲懺主之懺法。寥寥講四明尊者之清規。現存也。慈雲以慈悲水懺。爲衆生懺謝愆尤。尊者以十二因緣。爲衆生開示迷妄。必如是而慈心完善。勝果圓成矣。嗚呼。余具縛凡夫也。未聞道而喜譚道。多生薰染此心。未自利而欲利他。久已發茲弘願。在四明。則倡鑑水道場。與聞

仲連沈雲將輩爲社友。而無窮法師實主
佳盟。在武林。則入西湖社會。與虞德園馮
開之輩結勝緣。而雲棲老人頻登講席。故
願以余之所久行者。懇懇諸公。不敢秘余
之所自好者。獨爲君子。所謂人人戒殺。在
在放生。是不佞真實之大願也。

萬曆甲辰菊月

四明一衲道人緯真屠隆敬撰

